

**ACTUARIUS PECCANS
IN CAUSSI
APPELLATIONUM
AUTORITATE ORDINIS
ICTORUM PUBLIC...**

Gustav Heinrich Mylius, Johann
Caspar Seidlerus, Valenti Gonzaga



8

G

1

2

3

4

5

6

7

8

9

10

11

12

1

2

3

4

5

6

7

8

9

10

11

12

13

14

15

16

17

18

SERENISSIMO PRINCIPI
AC DOMINO
D O M I N O
G V N T H E R O

E QVATVORS.R.I.COMITIBVS
PRINCIPI AC COMITI SCHWARZ-
BVRGI ET HOHENSTEINI, DOMI-
NO ARNSTADII, SONDERSHVSAE,
LEVCHTENBERGAE, LOHRAE
ET CLETTENBERGAE

RELIQVA.

DOMINO MEO LONGE
CLEMENTISSIMO,

SERENISSIME PRINCEPS,

DOMINE CLEMENTISSIME,



*otum ferme percrebuit orbem
de TVO, DOMINE, in
bonas literas affectu, et de mi-
randa plane clementia in earum
cultores, qui se in tutissimum
gratiae TVAE portum rece-
perunt, fama. Hinc, licet ipse-
met audaciam meam in consecrandis TIBI,
PRINCEPS CLEMENTISSIME, bis
paginis levissimis, humillimae meae mentis inter-
prete, ab initio accusarem, tamen spes, quam
de TVA indulgentia cines Tui non minus quam
exteri quoque conceperunt, exceptionis instar,
quae*


quae totam litem perimere possit, me absoluit.
 Tanto **PRINCIPE** dignum non est munus, quod
TIBI, DOMINE, mente deuotissima offero, sed
 celsissimi honoris gradus, in quo diuina clementia
TE collocauit et tenuitatis meae si rationem paulu-
 lum habere non dedignatus fueris, mihi largie-
 ris clementissime, aut nullum aut hoc, siue huic
 simile, consecrandum **TIBI** fuisse munusculum.
 Chartacea nulliusque fere momenti solent esse,
 quae eruditis offerre integrum est, dona, quae,
 licet perfectissima sint, continent tamen semper
 nonnihil uiris principibus si non indignum, certe
 inferius. Vnicum saltem est, quod summi **TIBI-**
 que, **DOMINE CLEMENTISSIME**, simi-
 les Principes non semper aspernari solent. Co-
 natum scilicet approbandum censent offerentis,
 qui, si vires suffecerint, maxima quaeuis ad pe-
 des ipsorum ferret, et modis omnibus obsequen-
 di studium humillime declararet. Non itaque,
PRINCEPS SERENISSIME, ex pre-
 tio paginarum pietatem meam meamque deuotio-
 nem aestimes, illud tamen clementissime tribuas
 mihi, ut quali quali modo animum **TIBI** subie-
 ctissimum exponere, et ardentissima pro salute
TVA terris Tuis proficua maxime vota, perpe-
 tuos vitae meae comites, nunc publice effundere
 queat. Nunquam destituant **TE, DOMINE**
CLEMENTISSIME, gloria perpetua, con-
 stans valetudo, euentus rerum felicissimi, summum-

que Numen TE in splendorem Serenissimae Domus SCHWARZBURGICAE, in laetitiam atque solatium ciuium Tuorum, quorum salus ex TVA salute pendet, in praesidium literarum et earum cultorum, omniumque, qui in TVA clementia, TVO auxilio suam spem, suam fortunam reponunt. Felicissimum vero me rebor, DOMINE, si illud abs TE impetraro, ut gratia TVA TVOque praesidio aeternum frui, et TVAS virtutes, TVAM clementiam animo devotissimo venerari mihi liceat,

PRINCEPS SERENISSIME,
DOMINE CLEMENTISSIME,
NOMINIS TVI CELSISSIMI

CULTOR HUMILLIMVS,

IOHANNES CASPARVS SEIDLERVS.



I.



stuaris Iudicii, a quo prouocatur, verba et formulas prouocationis probe discernat, quo illum ipsum, quem appellans elegit, Iudicem recte percipiat. Saepius enim literae tum reuerentiales, tum refutatoriae ad alium, quam partes prouocantes putant, aut ordo Iudiciorum postulat, superiorem, transmittuntur. Haec ergo regula tenenda est: aut prouocatio directa ad PROXIME superiorem, et cognitio de iustitia grauaminum praefecto, quem iudex inferior pro superiore agnoscit, extra hunc casum vero Curiae

Curiae Prou. Sup. quae Lipsiae ius dicit, competit; aut ad *QVEMCVNQVE* superiorem prouocatum, et ad eandem Curiam, et vltcrius, vbi opus est, nimirum ad Senatum, aulicum apostolicum actis sunt transmittendi; quod si vero in genere ad *SVPERIOREM* appellatio interposita, Iudex inferior ad arbitrium suum vel ad Tribunal Curiae vel Senatus causam a se dimittere poterit. Idem dicendum de Terris Episcopatum Electoratus Saxoniae, in quibus Regimen superiorem proximum repraesentat. Siq- ubi autem actuaris, cum mens appellantis minus lucide apparet, circa formam apostolorum haereat, tutius denominandum esse Iudicem superiorem ab illo postulabit, maxime vbi prouocatio alterna aut anceps adest.

II.

In quo saepius caussidicos errare deprehendimus, dum appellando *saltum* committunt, in eo quoque actuarios nonnunquam peccare videmus, vt relationem *per saltum*, quod ajunt, transmittant. Si quando enim schedula appellationis expressis verbis ad Curiam Prouincialem Lipsiensem, et non nisi in casu reiectionis ad Regimen Principis directa, actuarii quidam nimium sibi indulgent, et omisso intermedio hoc Iudice statim ad Senatum rem, ob quam prouocatum

catum fuit, referunt, reiectionem efflagitant, rationes illiciti saltus, quas ipsi sibi fingunt, quandoque adiiciunt, hoc ipso tamen contra iura et praerogativas Curiae nostrae grauius committunt, ideoque graui admonitione superioris notati iactura expensarum ut plurimum licentiae suae poenas luunt iustissimas. Scilicet Ius appellandi PRINCEPS aequae ac beneficii instantiarum ubique saluum atque integrum esse iubet, cauet. Hinc, quae nostri seculi est felicitas, nouissimum huius beneficii regii extat documentum, dum omnes causae iudiciales, quae hactenus coram Regimine Martisburgensi, quod ad praefecturas *Delitzsch*, *Zörbig*, *Dobrilugk* et *Finsteralde*, tanquam Iudice primae et secundae instantiae ventilatae fuerunt, in posterum ex Decreto POTENTISSIMI AVGVSTI nostri in Curia Prou. Lips. sunt continuandae, ne pereant instantiarum commoda atque fructus.

III.

In Causa Cambiali recte negligit actuaris prouocationes ad superiorem, his enim viam quodammodo praecludunt et Recessus Imperii de anno MDCLIV. §. CVII. et potissimum Lex Iudiciaria Saxoniae in Appendice §. XII. Debitor ergo, qui a Citationem vel contra arrestum appellat, nihil agit.

B

peccet,

peccet, qui prouocationem eiusmodi non a reo, sed tertio quodam factam susque deque habet, quaeritur? Sane verba d. §. XII. Wenn Er gleich dawieder appelliren sollte, debitorem ipsum indigitant, et cum alias in rescriptis haec Clausula: *remota appellatione* non de omni, sed ea saltem, quae personam appellantis non egreditur, prouocatione accipienda sit, obseruantia teste, interpretationem authenticam aliquomodo arguit extensio ad quemcunque prouocantem facta. Rectius igitur actuarius, Principem de hoc dubio consulendo, agit, maxime vbi interesse quoddam interuenientis, qui appellat, apparet, id quod in Concilio perpetuo huius Academiae haud ita pridem conclusum fuisse, testantur acta publica.

IV.

In reliquis causis omnibus, vbi appellatio per rescriptum cum Clausula: *sich dawieder sein appelliren irren zu lassen*, remota, intuitu repetitae prouocationis a tertio factae ad superiorem denuo referendum esse, illamque effectu suspensiuo non destitui omnes fere, qui iudicis personam sustinent, credunt, nec aliud in foro et Curiis huc vsque obtinuit. Cum vero hac in re expressa legis publicae deficiat autoritas, et de abusu beneficii salutaris tollendo

do cogitandum sit, a vitio saltem attentati liber erit actuarius, qui ad prouocationem saepius iteratam, mutata licet persona, in officio pergit, et tum demum in honorem Iudicis superioris, quae ab ipso gesta sunt, refert, modo neque praesens neque futurum adfuerit legitimum grauamen, sed causa allegationis friuola.

V.

Peccat Actuarius, qui ante transmissionem Actorum tempus, quo notificatio ad redimendos apostolos per nuntium appellanti tradita fuit, haud annotat, et quamuis ex eo, quod in literis hisce dimissoriis nulla omiffae solutionis mentio facta est, fatale haud neglectum, vel saltem fidem de pecunia prouocanti habitam fuisse praesumatur, certus tamen Iudex superior circa solennitates legales esse debet, aequae ac pars aduersa. Caeterum quod B. BERGERVS in *Oecon. Iuris L. IV. Tit. XXIII. §. V. n. 7.* asserit: licet appellans in termino redemptionis a Proto-Notario impetrauerit dilationem, appellationem nihilo secius desertae loco habendam esse; de eius veritate quoad usum fori, et iustitiam merito dubitamus. Nam rationes quae sequuntur, his verbis: „Quia Proto-Notarius „quidem, in quantum de eius agitur iure, ap-
B 2
„pellan-

„pellanti impertire dilationem potest, minus
 „autem ea praeiudicare appellato, quo minus
 „appellatio deserta esse dicatur, praesertim, cum
 „publice interfit apostolos realiter in Termino
 „redimi, quo Lis maturetur, „ non per omnia
 in istum casum apte quadrare videntur, cum cer-
 te in arbitrio Proto-Notarii sit, an omnino gra-
 tis hoc labore perfungi velit. Temperanda igi-
 tur haec erit sententia, et ad Casum dilationis
 ipsius termini restringenda, quod facit B. BAR-
 THIVS in Hodeg. For. *Cap. I. §. 80.* conf. Dn.
 DE WERNHER Obf. For. *P. I. obs. 14. P. II. obs.*
78. B. GRIEBNERI Princ. Proc. Iud. *L. I.*
Cap. V. Sect. II. §. VI. Cauere igitur debet
 actuarius, ne hac dilatione parti afferat, loco be-
 neficii, praeiudicium.

VI.

Peccant Actuarii, qui apostolos reuerentia-
 les absque mentione grauaminum hodie conci-
 piunt, et retentis actis vel parti prouocanti ex-
 hibent, vel superiori, scilicet in eius honorem, vt
 formulae consuetae sonant; Adiicienda enim
 sunt et momenta, quibus motus iudex deferen-
 dum esse censeat appellationi, ne Iudici ad quem
 facultas cognoscendi tum quoad merita causae,
 tum quoad eius statum detrahatur, quo facto ipsi
 necessitas admissionis plane imponeretur, id quod
 facpius

saepius, ubi iustitia caussae et grauaminum deficit, non sine graui damno alterius, et protractione litis contingit; Qua de Causa ante plurimos annos Potentissimus Legislato Saxoniae edixit, vt a Curia Prou. Lips. non nisi insertis rationibus, quae iudicium mouerint, et adiunctis actis publicis reuerentiales apostoli transmittantur.

VII.

Peccant quoque actuarii, qui nimis faciles se praebent in decernendis eiusmodi reuerentialibus, vel refutatorios quidem conscribunt, sed post verba appellatorii libelli ordine enarrata, nihil de suo addunt, nec dicta appellantis contrariis rationibus refellunt et infirmant. Ad hos actuarios an illud pertineat, quod iam laudatus B. BARTHIVS Cap. I. §. LXXX. lit. d. censet, aliorum esto iudicium, ita autem ille: *Saepe inferior Iudex a quo vel ex ignorantia Iuris, dum grauamina refutare nescit, vel ex negligentia et pigritia suscipere laborem hunc non vult, reuerentiales loco refutatoriorum dare solet. et eodem §. lit. n. Imo quandoque ex ignauia vel imperitia actuatorum grauamina refutare non valentium, quin et interdum fauore appellantium prae refutatoriis reuerentiales dantur ex persuasionem illa, quod superior facilius appellatioui, quasi ex Commendatione illius in Reue-*

rentialibus et tacita approbatione, sit delaturus. Nec silentio praetereundum rescriptum Regium hoc ipso anno ad Comitem de S. datum his verbis: Und nachdem wir so wohl aus diesen als verschiedenen andern von eurer Cancley anhero erstatteten Berichten wahrgenommen, was massen diese in solchen ihren Berichten grösten theils nur remissive auf die acta, und von denen Partheyen übergebene Schrifften, oder derer Beamten eingeschickte Berichte sich beziehen, als begehren wir, ihr wollet diese, daß sie fernerhin ihre Berichte ausführlicher, und mit Recensirung derer Appellations- Gravaminum, und bengefügten ohnmaßgeblichen Gutachten erstatten sollen, be-
deuten.

VIII.

Actuarius peccat, qui post reiectionem appellationis friuolae multam vel restitutionem damni iniungit appellanti, de quibus remissoriales silent. Si enim Iudex superior hanc temeritatem et malitiam in protrahenda causa non coercuit, sed simpliciter causam remisit, ad Iudicem a quo, huic facultas ulterius de hac calumnia cognoscendi haud competit, et illi, quorum interest, damnum illatum ordinario modo poterunt exigere. Confirmarunt hanc sententiam Dn. Scabini Lipsi. in causa a Iudice Glesinensi

finensi contra Mießlern peracta M. Decembr. MDCCXVIII. en verba : Und es mag wegen der, von Mießlers Advocaten eingewandten appellationen, nach dem der Iudex ad quem ihn dießfals vor straffbahr nicht gehalten, wieder den- selben allhier nichts erkandt werden.

IX.

Solent nonnunquam rei, omni prouocatione remota, suasu aduocatorum periculum facere, et a reiectione a Senatu Aulico facta cum Clau- sula de non attendenda vltiori prouocatione, denuo immediate ad ipsius principis sacratissimi personam appellare, et iudices quoque, eorum- que actuarii effectum suspensuum huic abusu interdum tribuunt. Sed plane non peccant, qui aliud sentiunt, et in causa contra appellantem nihilominus procedunt. Haec enim prouoca- tio ad eundem principem directa nulla est, et sententiam a iudicato non suspendit, ita pronun- ciauit Fac. Iur. Lips. ad acta a Regimine Weis- senfels. mense Febr. MDCCXXI. transmissa.

X.

Licet beneficio appellationis futurae in in- strumento vel protocollo iudiciali sit renuncia- tum verbis expressis, tamen prouocationem a renunciente post aliquod tempus factam negli- gere

gere vix poterit actuarius, id quod tum Iudicis superioris autoritas atque honor, cui per priuatorum pacta non semper derogari potest, tum exceptiones et facti circumstantiae post renunciationem forte natae, tum alia omnia, quae cognitionem et decisionem suadent, exposcunt.

XI.

Peccat actuarius, qui acta ad Dicasterium mittit, vt sententia concipiatur, cui vnus ex litigantibus, vel in genere vel in specie ad superiorem appellando, contradixit, sed non peccat Collegium Iureconsultorum, quod nihilo secius sententiam concipit, adiecta admonitione sequenti: Es wird aber vor allen Dingen die sol. befindliche appellation vermittelst Erstattung eines Berichtes gebührend aus den Wege geräumt, id quod, si fieri poterit, ante publicationem suscipiendum erit.

XII.

Graui animaduersione dignus erat Actuarius cum scabinis, qui haut ita pridem relationi, quo facta sua iustificare annitebantur, hac clausula iuramenti colophonem imponere haud erubescibat: Daß dieses alles der Wahrheit gemäß, bezeugen wir hiermit an Endes statt, und so wahr uns Gott helfen solle!

* * *